

## II - ARABAKO LURRALDE HISTORIKOAREN TOKI ADMINISTRAZIOA

### ZUIAKO UDALA

#### Zuiako eraikinen ikuskapen teknikoa (EIT) egiteko 2018ko dirulaguntzen deialdia

Udalbatzak 2018ko uztailaren 12ko osoko bilkuran honako hau erabaki zuen:

1. Onestea Zuiako eraikinen ikuskapen teknikoa (EIT) egiteko dirulaguntzen 2018ko deialdia eta horren oinarri arautzaileak.
2. Dirulaguntza horiek 2018ko gastu aurrekontuaren 1522.481.000 partidaren kontura ordaintzea.
3. Deialdia ALHAOn argitaratzea.

Erabaki honen aurka administrazioarekiko auzi errekurtsua aurkeztu ahal izango da txandaz dagokion Gasteizko administrazioarekiko auzietarako epaitegian, bi hilabeteko epean, argitaratu eta hurrengo egunetik aurrera. Dena den, administrazioarekiko auzi errekurtsua aurkeztu aurretik, aukerako berraztertze errekurtsua aurkeztu ahal izango zaio argitaratzen den esanbidezko ebazpena eman zuen organoari, hilabeteko epean, argitaratu eta hurrengo egunetik aurrera.

Murgia, 2018ko irailaren 17a

*Alkate-lehendakaria*  
**UNAI GUTIÉRREZ URKIZA**

#### Eraikinen ikuskapen teknikoa (EIT) egiteko dirulaguntzen oinarri arautzaileak

##### Zioen adierazpena

Zuiako Udalak egoki iritzi dio bere biztanleei laguntza emateari eraikinen ikuskapen teknikoari buruzko betebeharren kostuak ordaintzeko. Betebehar horiek eraikinen ikuskapen teknikoari buruzko Eusko Jaurlaritzaren 241/2012 Dekretuan eta horren ondorengo aldatetetan jasotzen dira.

Ondorioz, oinarri hauen helburua da laguntzen eskabidea egiteko baldintzak ezartzea eta, hala badagokio, eraikinen ikuskapen teknikoaren kostua ordaintzeko dirulaguntza ematea.

##### 1. Xedea

Oinarri hauen xedea da Zuiako udalerriko eraikinen ikuskapen teknikoari buruzko txostenaren kostua zati batean ordaintzeko Zuiako Udalak ematen dituen dirulaguntzen prozedura arautzea eta sustatzea.

##### 2. Onuradunak

Oinarri hauetan jasotako dirulaguntzaren onuradunak honakoak izango dira: pertsona fisikoak edo erkidegoak, bizitegitarako erabilera duten eraikinen jabeak edo gozamedunak, eraikinek berrogeita hamar urtetik gora badituzte edo katalogazio edo babes motaren bat badute, eta eraikinen ikuskapen teknikoa egin ostean, dirulaguntzen eskaera egiten dutenak.

Dirulaguntza emateko eskatzailea Zuiako udalerrian erroldatuta egon behar da, deialdiaren urteko urtarrilaren 1ean.

### **3. Dirulaguntza jasoko duten jarduerak**

Dirulaguntzaren xede diren jarduera hauek jasoko dute dirulaguntza: pertsona fisiko edo juridiko eskatzaileen titulartasunekoa den eraikinen ikuskapen teknikoaren txosten-galdetegia egitea eta irizpena egitea, aurrekontu ekitaldian egindakoa.

### **4. Dirulaguntzaren zenbatekoa**

Dirulaguntza egindako jardueraren aurrekontuaren ehuneko 50era artekoa izango da; familia bakarreko etheen kasuan, gehienez ere 200 eurokoa, eta jabe erkidegoen kasuan, gehienez ere, 500 eurokoa.

Dirulaguntzen aurrekontu aurreikuspena 2018ko ekitaldirako 20.000 eurokoa izango da, 2018ko abenduaren 30erako, eta ez da luzatzeko aukerarik egongo.

### **5. Eskaera**

Laguntzak jaso nahi dituzten eraikinen jabeek eta jabe erkidegoek honako dokumentazio hau aurkeztu beharko dute udal bulegoetan:

- Normalizatutako dirulaguntza eskaera, behar bezala beteta.
- Eraikinen ikuskapen teknikoa egin duen enpresak emandako jatorrizko faktura, eta horren kopia, konpultsatzeko, eta hori ordaindu izanaren ziurtagiria.
- Banketxe edo aurrezki-erakunde batek emandako agiria, ziurtatzen duena eskatzaileak kontu korrante bat duela bere izenean dirulaguntza eskatzen duen urtean.
- Halaber, dirulaguntza emateko, eraikinen ikuskapen teknikoaren irizpena udal bulegoetan entregatu beharko da.

### **6. Dirulaguntza ebazteko eskumena duen organoa**

Alkate-lehendakariak izango du eskumena dirulaguntza emateko, dagokion informazio batzordeak txostena eman ondoren.

Teknikariek eskaerak aztertuko dituzte eta laguntza emango diote instrukzio organoari.

### **7. Onuradunen betebeharrak**

Pertsona onuradunaren familia unitatea egunean egon beharko da Zuiako Udalarekin dituen zerga eginbeharretan.

### **8. Dirulaguntzen xede kontrola**

Zuiako Udalak datuen fidagarritasuna eta dirulaguntzaren erabilera egokia egiaztatzeko egoki jotzen dituen jarduerak egiteko eskubidea izango du.

### **9. Arauak ez betetzea eta ondorioz dirulaguntza itzuli behar izatea**

Onuradunak dirulaguntza jasotzeko jarri diren baldintzak betetzen ez baditu eta, era berean, aurkeztu beharreko datuak eta agiriak faltsutzen edo izkutatzen baditu, kendu egingo da dirulaguntza, eta kasu horretan itzuli egin beharko du jasotako zenbatekoa.

Oinarri hauetan jasotzen ez den orotarako, Zuiako Udalaren dirulaguntzak arautzen dituen ordenantza aplikatuko da.